

**Informacioni list**

- **Isplata gotovine putem finansijskog partnerstva u nekretnini za fizička lica**
- **Isplata gotovine putem povećanja učešća u finansijskom partnerstvu u nekretnini za fizička lica**

Standardni informacioni list u primjeni od 01.12.2024. godine

Podaci o davaocu usluge	Bosna Bank International dd Sarajevo Trg djece Sarajeva bb 71000 Sarajevo, Bosna i Hercegovina
-------------------------	--

Vrsta usluge	<ul style="list-style-type: none"> <li>- <b>Isplata gotovine putem finansijskog partnerstva u nekretnini za fizička lica</b></li> <li>- <b>Isplata gotovine putem povećanja učešća u finansijskom partnerstvu u nekretnini za fizička lica</b></li> </ul>
--------------	---

**OPIS I NAMJENA**

- Finansijsko partnerstvo u nekretnini je proizvod koncipiran na način da klijent ustupa Banci udio u vlastitoj nekretnini, o čemu Banka i klijent zaključuju ugovor o finansijskom partnerstvu u nekretnini. Banka na taj način, shodno ugovoru, postaje vlasnik dijela nekretnine, ali se vlasništvo ne prenosi u zemljišnim knjigama.
- Finansiranje putem povećanja učešća Banke u finansijskom partnerstvu u nekretnini je proizvod koncipiran na način da klijenti, koji već imaju finansiranje putem partnerstva u nekretnini (stambeno, hipotekarno finansiranje, finansiranje adaptacije i sl.), mogu dobiti dodatna sredstva kroz povećanje učešća BBI u postojećoj nekretnini.

**IZNOS USLUGE, OZNAKA VALUTE I USLOVI KORIŠTENJA**

Valuta - KM/BAM, uz primjenu valutne klauzule za sva dugoročna finansiranja preko 60 mjeseci.

Iznos finansiranja: Minimalno 500,00 KM; Maksimalno 50.000,00 KM

Učešće u finansiranju 0,20% od iznosa finansiranja, minimalno 30,00 KM.

Finansiranje putem partnerstva u nekretnini moguće je odobriti fizičkim licima koja posjeduju nekretninu i sposobnost otplate u skladu sa važećim pravilima i procedurama. Cilj je zadovoljiti potrebe klijenata za gotovinom putem finansijskog partnerstva u nekretnini na način da se klijentu iznos finansiranja isplaćuje na tekući račun.

Starosna granica do koje Klijent mora otplatiti finansiranje je 65 godina, odnosno 75 godina starosti ukoliko u finansiranju postoji sudužnik čija starost u momentu otplate ne prelazi 65 godina i koji može podnijeti 50% anuiteta finansiranja.

Ostali detaljni uslovi korištenja koji se primjenjuju u finansiranju sa fizičkim licima dati su u Općim uslovima poslovanja za finansiranje fizičkih lica i pojedinačnim ugovorima o finansiranju.

**TRAJANJE UGOVORA**

Maksimalni rok otplate finansiranja je 10 godina (Banka će izvršiti procjenu mogućnosti odobrenja maksimalnog roka otplate za svakog pojedinog klijenta).

**VISINA I PROMJENJIVOST PROFITNE MARŽE I ELEMENTI NA OSNOVU KOJIH ĆE SE ODREĐIVATI UGOVORENA PROMJENJIVA PROFITNA MARŽA, NJIHOVA VISINA U VRIJEME ZAKLJUČENJA UGOVORA, PERIODI U KOJIMA ĆE SE MIJENJATI I NAČINE IZMJENE, KAO I FIKSNI ELEMENT AKO JE UGOVOREN**

Nominalna profitna marža može biti ugovorena kao fiksna ili varijabilna.

- Fiksna profitna marža može biti ugovorena na rok otplate do 60 mjeseci, a podrazumijeva da se profitna marža ne mijenja u periodu važenja Ugovora o finansiranju.

- Varijabilna profitna marža je varijabilna i sastoji se od zbira fiksnog nepromjenjivog markup-a i promjenjivog šestomjesečnog EURIBOR-a. Vrijednost EURIBOR-a dostupna je na: <https://bbi.ba/finansiranja/euribor/>

Varijabilna nominalna profitna marža se mijenja svakih šest mjeseci od datuma puštanja sredstava u skladu sa promjenom vrijednosti šestomjesečnog EURIBOR-a. Varijabilna profitna marža za vrijeme trajanja partnerstva neće biti manja od ugovorene nominalne profitne marže na dan izrade Ugovora o finansiranju, odnosno veća od ugovorene maksimalne profitne marže. Visina maksimalne profitne marže u zavisnosti od perioda otplate finansiranja:

Period otplate finansiranja u mjesecima	od 12 do 60	od 61 do 120	od 121 do 180	od 181 do 240
Maksimalna profitna marža	8% p.a.	9% p.a.	10% p.a.	11% p.a.

Visina nominalnih stopa po grupama klijenata su:

Obezbjedenje	Rok otplate u mjesecima	I grupa				II grupa	
		Do 50.000,00 KM					
		varijabilna	fiksna	varijabilna	fiksna		
Mjenice i IOZ	do 36	5,29%	5,35%	5,79%	6,35%		
	do 60	5,29%	5,35%	5,79%	6,35%		
	do 84	5,29%	5,65%	6,29%	6,65%		
	do 120	5,49%	6,25%	6,49%	7,25%		

Napomena: u slučaju da Klijent neće otvoriti tekući račun (uz aktiviranje jednog od Paketa) i usmjeriti primanja preko BBI, profitna marža se uvećava za 1 procentni poen.

**EFEKTIVNA PROFITNA MARŽA I UKUPAN IZNOS KOJI KORISNIK MORA DA PLATI, ODNOSNO KOJI TREBA DA MU SE ISPLATI, PRIKAZAN PREKO REPREZENTATIVNOG PRIMJERA U KOJEM SU NAZNAČENI SVI ELEMENTI KORIŠTENI U OBRACUNU**

Efektivna profitna marža zavisi od iznosa finansiranja, roka otplate, a uključuje nominalnu profitnu maržu i sve naknade/troškove koji proizilaze iz ugovora o finansiranju. Pregled mjesečnih anuiteta za pojedine iznose finansiranja i rokove otplate, za prvu grupu Klijenata, bez hipoteke.

Iznos / period	36	60	84	120
10,000.00 KM	301,01 KM	190,04 KM	142,71 KM	108,48 KM
20,000.00 KM	602,03 KM	380,09 KM	285,41 KM	216,95 KM
40,000.00 KM	1.204,05 KM	760,18 KM	570,82 KM	433,91 KM
50,000.00 KM	1.505,06 KM	950,22 KM	713,53 KM	542,38 KM

Reprezentativni primjer: uz pretpostavku da je finansiranje isplate gotovine putem finansijskog partnerstva u nekretnini na iznos od 50.000,00 KM, na period od 60 mjeseci, za prvu grupu klijenata, obezbjedeno ispravama o zapljeni, dvjema mjenicama i uz otvoren BBI Klasik paket klijenta i da se cjelokupan iznos prebacuje klijentu na tekući račun.

Napomena: Reprezentativni primjer je informativnog karaktera. Potencijalni klijent konkretan primjer ima pravo dobiti u prostorijama Banke, nakon podnošenja pismenog zahtjeva.

Iznos finansiranja KM	50.000,00 KM
Nominalna profitna marža (varijabilna)	5.29%
Rok otplate	60 mjeseci
Mjesečni anuitet	950,22 KM
Ukupni iznos profitne marže koju će klijent platiti za vrijeme korištenja finansiranja	7.013,15 KM
Ukupni iznos koji će klijent platiti	57.013,15 KM

**Vrijednost koju stvaramo zajedno**

Molimo vas da razmislite o okolišu prije štampanja ovog dokumenta. | Please consider the environment before printing this document.



Efektivna profitna marža	6,68%
Troškovi koji ulaze u EPM	
Trošak ovjere isprave o zapljeni (jednokratno, fiksno)	(2,00 KM po jednom primjerku) - 4,00 KM
Trošak mjenice (jednokratno, fiksno)	(5,00 KM - jedna mjenica) - 10,00 KM
Naknada za obradu zahtjeva za finansiranje 0,50% (jednokratno, fiksno)	250,00 KM
Troškovi vođenja računa finansiranja - 3,20 KM (mjesečno, promjenljivo)	192,00 KM
Trošak vođenja BBI Klasik paketa 15,99 (mjesečno, promjenljivo)	959,40 KM
Trošak izdavanje izvoda iz CRK-a za potrebe analize (jednokratno, fiksno)	0,00 KM
UKUPNO	1.415,40 KM

U pogledu troškova koji su definisani kao promjenljivi, BBI uzima u obzir godišnju stopu inflacije/deflacije, prema zvaničnim podacima koje objavljuje Agencija za statistiku BiH. Ugovorne strane su saglasne, da će BBI vršiti usklađivanje visine promjenljivih troškova samo ukoliko zbir stopa inflacije/deflacije za protekle tri godine bude jednak ili iznad +/- 5%. BBI će jednom godišnje utvrđivati promjenu visine troškova u zavisnosti od promjene zbira stopa inflacije/deflacije za protekle tri godine. Ugovorne strane su saglasne da je BBI ovlaštena, u svakom trenutku, bez obzira na kretanja parametara inflacije/deflacije donijeti odluku o smanjenju visine pojedinih troškova. BBI će o svim promjenama obavijestiti Korisnika putem nove tarife, koja će biti dostupna u prostorijama BBI ili objavljena na web stranici BBI.

#### IZNOS I BROJ RATA FINANSIRANJA I PERIODI U KOJIMA DOSPJEVAJU (MJESEČNO, TROMJESEČNO I DRUGO)

Finansiranje se otplaćuje u jednakim ratama/anuitetima. Visina rate/anuiteta zavisi od visine iznosa odobrenog finansiranja, kategorije (vrste) klijenta i ugovorene visine nominalne profitne marže. Prva rata/anuitet finansiranja dopjeva na naplatu mjesec dana od dana plasmana sredstava. Rate/anuiteti dopjevaju na naplatu mjesečno.

#### TROŠKOVI ODRŽAVANJA JEDNOG ILI VIŠE RAČUNA NA KOJIMA ĆE SE EVIDENTIRATI TRANSAKCIJE ZAJEDNO SA TROŠKOVIMA KORIŠTENJA ODREĐENOG SREDSTVA OTPLATE, KAKO ZA TRANSAKCIJE PLAĆANJA, TAKO I ZA POVLAČENJA SREDSTAVA, TE SVE DRUGE NAKNADE I TROŠKOVE KOJI PROIZLAZE IZ UGOVORA UZ ODREĐENJE DA LI SU FIKSNI ILI PROMJENLJIVI I USLOVI POD KOJIMA SE MOGU MIJENJATI

- Naknada za održavanje računa finansiranja iznosi 3,20 KM (mjesečno, promjenljivo).
- Naknada za obradu zahtjeva iznosi (jednokratno, fiksno):
  - 1,00% za sve grupe klijenata uz BBI pakete (Aktiv, Praktik)
  - 0,50% za sve grupe klijenata uz BBI paket Klasik
  - 0,00% za sve grupe klijenata uz BBI paket Platinum
  - 2% za sve grupe klijenata bez paketa

#### INFORMACIJA O OBAVEZI KORIŠTENJA NOTARSKIH USLUGA PRILIKOM ZAKLJUČENJA UGOVORA

Moguća je obaveza korištenja usluga notara ukoliko se ovjera isprava o zapljeni vrši kod notara i ukoliko je obezbjeđenje finansiranja nekretnina što zahtjeva notarsku obradu Ugovora o hipoteci.

#### INFORMACIJA O OBAVEZI ZAKLJUČENJA UGOVORA O SPOREDNIM USLUGAMA POVEZANIM SA OSNOVNIM UGOVOROM, NAROČITO KAD JE ZAKLJUČENJE TAKVOG UGOVORA OBAVEZNO RADI DOBIJANJA USLUGE

Prije puštanja novčanih sredstava, a u slučaju da je finansiranje obezbijeđeno hipotekom, Klijent je dužan zaključiti ugovor o osiguranju nekretnine koja je predmet hipoteke.

#### PROFITNA MARŽA KOJA SE PRIMJENJUJE U SLUČAJU KAŠNJENJA U IZMIRENJU OBAVEZA I PRAVILA ZA NJENO PRILAGOĐAVANJE, TE DRUGE NAKNADE KOJE SE PLAĆAJU U SLUČAJU NEISPUNJENJA OBAVEZA

Banka obračunava i naplaćuje penale za kašnjenja od 30 dana na iznos dospjelog a ne izmirenog duga od prvog dana kašnjenja. Penali iznose 2% na godišnjem nivou. Stopa penala će se mijenjati shodno izmjenama zakona kojima se regulišu visina stope zakonske zatezne kamate.

#### UPOZORENJE U VEZI SA POSLJEDICAMA PROPUSTANJA IZMIRENJA OBAVEZA

Dužnik će o dospjelim, a neizmirenim obavezama prvobitno biti obaviješten telefonskim pozivom.

Poslije pomenutih obavještenja slijedi:

- Poslije 8-og dana kašnjenja telefonski kontakt sa korisnikom finansiranja/solidarnim dužnicima;
- Opomena I korisniku finansiranja/solidarnim dužnicima 20-og dana kašnjenja;
- Telefonski kontakt sa žirantima poslije 35-og dana kašnjenja;
- Opomena II korisniku finansiranja/solidarnim dužnicima 40-og dana kašnjenja;
- Pismena obavijest žirantima 50-og dana kašnjenja.

Ako dužnik ne izmiri obaveze nakon druge opomene šalje se pismena obavijest jemcu (ako je predviđen). Opomena pred tužbu dužniku se šalje u slučaju kad dužnik svoje obaveze ne izmiruje duže od 120 dana.

Ukoliko dužnik ne izmiruje svoje dospjele obaveze u roku, Banka u cilju naplate plasiranih sredstava, može koristiti instrumente obezbjeđenja na način da:

- Aktivira saglasnost isprave o zapljeni na lična primanja dužnika finansiranja i drugih lica koja su lično garantovala;
- Izmirjenje obaveza;
- Izvrši naplatu putem sredstava sa računa Klijenta kod BBI;
- Podnese mjenice pravnog lica na naplatu banci izdavaocu mjenice (u slučaju kada je pravno lice jemac);
- Pokrene prinudnu naplatu putem suda (hipoteka, zalog, mjenica);
- Iskoristi ostale instrumente obezbjeđenja.

Ako ne postoji neki od gore navedenih instrumenata obezbjeđenja, Banka će iskoristiti prvi slijedeći instrument koji nakon istog dolazi. Troškovi opomena se ne naplaćuju.

#### INSTRUMENTI OBEZBJEĐENJA ISPUNJENJA OBAVEZA SA INFORMACIJOM O REDOSLIJEDU I NAČINU IZMIRENJA OBAVEZA IZ INSTRUMENTATA OBEZBJEĐENJA

Elementi obezbjeđenja po finansiranju utvrđuju se u pregovaračkoj fazi i zavise od iznosa finansiranja i kreditne sposobnosti dužnika. Banka prihvata slijedeća obezbjeđenja:

- Ispravu o zapljeni za korisnika finansiranja i druge učesnike koji lično garantuju za izmirjenje obaveza po finansiranju;
- Vlastite mjenice sa naznakom bez protesta svih učesnika u finansiranju;
- Sudužnike/jemce;
- Hipoteku
- Depozit.

#### PRAVO KORISNIKA NA ODUSTAJANJE OD UGOVORA, USLOVI I NAČIN ODUSTAJANJA, KAO I VISINU TROŠKOVA U VEZI S TIM

Pod uslovom da nije počeo da koristi sredstva, Klijent ima pravo da odustane od zaključenog ugovora, bez navođenja razloga za odustanak, u roku od 14 dana od dana zaključenja ovog ugovora. Klijent je dužan da o svojoj namjeri odustanka od ugovora obavijesti BBI u pisanoj formi, pri čemu se datum prijema tog obavještenja smatra datumom odustanka od ugovora.

U slučaju odustanka Klijenta od zaključenog ugovora, BBI ima pravo na naplatu obračunate naknade za obradu zahtjeva koja ne može biti veća od naknade u slučaju kada Klijent ne odustane od finansiranja.

Ukoliko Klijent odustane od ugovora prije isteka roka od 14 dana od dana zaključenja ugovora, a obezbijedio je instrumente obezbjeđenja i platio ili preuzeo obavezu plaćanja troškova u vezi sa istim, odustajanjem od ugovora o finansiranju takvi troškovi su isključivo troškovi Klijenta.

#### PRAVO KORISNIKA NA PRIJEVREMENU OTPLATU FINANSIRANJA I PRAVO BANKE NA NAKNADU, KAO I VISINU TE NAKNADE

Klijent ima pravo na prijevremenu otplatu finansiranja ali je dužan da o namjeri prijevremene otplate finansiranja unaprijed obavijesti Banku u ugovorenom roku.

Banka ima pravo na objektivno opravdanu i ugovorenu naknadu troškova koji su u direktnoj vezi sa prijevremenom otplatom finansiranja, pod uslovom da je prijevremena otplata izvršena u periodu tokom kojeg se primjenjivala fiksna profitna marža i ako je iznos prijevremene otplate veći od 10.000,00 KM u periodu od godinu dana.

Ukoliko BBI u skladu sa prethodnim stavom stekne pravo na naknadu za prijevremeni povrat ista će se obračunavati na sljedeći način i u sljedećim procentima:

Vrijednost koju stvaramo zajedno

Molimo vas da razmislite o okolišu prije štampanja ovog dokumenta. | Please consider the environment before printing this document.



- 1% na iznos finansiranja koje se prijevremeno otplaćuje po osnovu ovog Ugovora i to ukoliko je period između prijevremene uplate glavnice (nabavne cijene robe/usluge) i roka ispunjenja obaveza iz ovog Ugovora jednak ili duži od jedne godine.
- 0,50 % na iznos finansiranja koje se prijevremeno otplaćuje po osnovu ovog Ugovora i to ukoliko je period između prijevremene uplate glavnice (nabavne cijene robe/usluge) i roka ispunjenja obaveza iz ovog Ugovora kraći od jedne godine.

Naknada za prijevremenu otplatu finansiranja ni u jednom slučaju ne može biti veća od iznosa profitne marže koju bi korisnik platio za vrijeme od dana vraćanja finansiranja do dana kada je finansiranje po ugovoru trebalo biti vraćeno.

Banka ne može zahtijevati naknadu za prijevremenu otplatu finansiranja u sljedećim slučajevima:

1. ako je otplata bila učinjena na osnovu zaključenog ugovora o osiguranju čija je namjena obezbjeđivanje otplate,
2. ako se otplata vrši u toku perioda za koji je ugovorena promjenljiva nominalna profitna marža.

Naknada za prijevremeno zatvaranje finansiranja iz novoodobrenog finansiranja u Banci se ne naplaćuje.

**PRAVO KORISNIKA DA U TOKU PROCJENE NJEGOVE KREDITNE SPOSOBNOSTI BESPLATNO DOBIJE OBAVJEŠTENJE O REZULTATIMA UVIDA U BAZE PODATAKA**

Klijent ima pravo da u toku procjene njegove kreditne sposobnosti dobije obavijesti o rezultatima uvida u baze podataka.

**PRAVO KORISNIKA DA DOBIJE BESPLATNU KOPIJU NACRTA UGOVORA**

Klijent ima pravo na besplatan primjerak nacrtu ugovora, osim ukoliko Banka u vrijeme podnošenja zahtjeva korisnika ocijeni da ne postoje uslovi za zasnivanje odnosa s korisnikom u konkretnom pravnom poslu. Klijent ima pravo razmotriti nacrt ugovora izvan prostorija banke u istom roku u kojem Banku obavezuju podaci u pregovaračkoj fazi sadržani u standardnom informacionom listu (7 dana od datuma naznačenog na standardnom informacionom listu).

**PERIOD U KOJEM BANKU OBAVEZUJU PODACI DATI U PREGOVARAČKOJ FAZI**

Sedam (7) dana od datuma naznačenog na standardnom informacionom listu.

**USLOVI POLAGANJA NOVČANOG DEPOZITA KOD BANKE, AKO JE TO USLOV ZA ODOBRAVANJE KREDITA, KAO I MOGUĆNOST I USLOVI PREBIJANJA FINANSIRANJA I DEPOZITA**

Banka u zavisnosti od procjene kreditne sposobnosti, iznosa finansiranja kao i roka otplate može tražiti depozit kao instrument obezbjeđenja.

Datum preuzimanja standardnog informacionog lista: \_\_\_/\_\_\_/\_\_\_\_\_godine

-----  
Potpis tražioca finansiranja  
(kojim potvrđuje prijem standardnog informacionog lista)

-----  
Potpis službenika Banke koji je uručio standardni informacioni list

Vrijednost koju stvaramo zajedno

Molimo vas da razmislite o okolišu prije štampanja ovog dokumenta. | Please consider the environment before printing this document.

